

續修四庫全書



《續修四庫全書》編纂委員會編

續修四庫全書

上海古籍出版社

六四五・史部・地理類

〔光緒〕山西通志一百八十四卷首一卷（卷一百三十二至卷一百六十六）〔清〕曾國荃 張煦等修

王軒 楊篤等纂

24/3/05

〔光緒〕山西通志五

〔清〕

王曾國
軒荃

楊張

篤煦
等纂
等修

六	影	據
毫	印	清
米	原	光
寬	書	緒
二	版	十
九	框	八
六	高	年
毫	一	刻
米	九	本

鄉賢錄十七

錄二之十七

山西通志弟百三十三

賜進士出身頭品頂戴都察院右副都御史巡撫山西總督張之洞奏
旨監修

國朝順治

桑芸字笈雲榆次人幼家貧借書讀之輒不忘為文閱肆袁
督學繼成亟賞之崇禎己卯舉於鄉庚辰成進士

國初補行人司行人掌司事尋擢貴州道御史巡按畿輔謫
浙臬幕官超遷大理寺正憲光祿寺卿復外補汝南參政墾

荒土數千頃除無藝供數千兩積得白福德肆為不法廉得
之將實諸理藥千金求免大聲叱去立斃杖下僅頌聲載道

遷廣西按察使桂林守兵素橫贊痛繩以法不少貸比入覲
世祖召見詢地方利病亟稱之遷河南右布政攝左布政不數

月遷廣東左布政行至南昌卒芸治政果斷而佐以詳密墩
歷中外所至咸樹聲績卒後

賜祭二壇造墳安葬卹典獨厚

胡全才字體舜文水人明崇禎進士授兵部主事順治元年
都統葉臣招撫山西疏薦起用原官二年由兵部郎中授陝

西漢羌兵備道時西安及漢羌並遭賀珍寇掠全才既之任
撫綏期察安輯流亡招徠明漢中總兵趙光遠所遣部將齊

陞王明德李世勳等輸誠効命盡收其所屬軍械與知府楊
可經同知董應徵通判李芳滋推官原體業飭練士卒積聚

芻糧為警備之策賊復突至圍城齊陞等奮勇衝擊李世勳
中流矢沒於陣全才固守危城三十餘日賊環攻益急全才

誓眾死守會大兵赴援賊渠遁走漢中得全於是工部侍郎

趙京仕言漢中為三秦咽喉重地宜設撫臣且薦全才足副
嚴疆之任事下部議尋議全才蒞任撫眾有方會蒙
諭旨嘉獎繼復誓守危城金湯保固應破格超擢以勵忠勤
三年十月奉

旨擢授甯夏巡撫四年五月以邊方當兵燹之後書籍散佚
士子無由誦法奏頒

本朝律典及性理通鑑諸書示令傳習六月疏言甯夏地逼
夷人習俗強悍舊例領兵三萬有奇營分奇正正兵以總兵

官統之奇兵以中協副將統之凡調征居守遞代而行其鎮
衝要防山寇則中參將任之經今舊兵已裁其半無中協中

衝之官故往者鎮臣奉調遂有叛將王元殺巡撫焦安民之
變請仍舊制設官廣增兵額以資守禦又以調征與慶之副

將馬甯曾擒斬王元軍民畏服請仍補中協副將事下部議
並如所請八月王元逆黨馬德受撫復叛縱兵肆掠全才與

總兵劉芳名等發兵進剿戰於預望城南斬敵千餘賊趨慶
陽山岡是日大雨如注疾追百七十里賊眾潰散馬德猶揮

殘卒負險而戰副將劉登樓等復敗之賊夜遁明日偵知賊
據河兒坪馳師擊之斬馬德於陣餘黨悉平是歲山陝河南

皆有飛蝗全才授以捕法所至輒盡田禾無傷因以其法上
聞請著為例傳示各省

上可其奏初全才任漢羌時令漢中有受賀珍偽劄者並自首
月給委劄如其官為收復人心計嗣又揭告漢羌總兵尤可

望哥冒冒餉藏匿偽官等款可望既得罪因討全才以擅給
劄付及濫刑斃命事全才亦坐革職九年全才復理前罪

部臣議以功大罪小應降補參議職從之十年二月授江西饒南道六月經略洪承疇稔其才請隨征湖南尋奉

命撫治鄖陽提督軍務時流賊餘黨郝搖旗劉體純等憑恃房竹山嶺險隘出沒鄖襄嚴無甯宇全才扼其衝要嚴守禦復馳至穀城南漳相形勢列營檄諸將進討會潯河廟灘白土關諸戰先後奏捷賊黨解散十三年二月明桂藩總督李企晟潛入鄖陽與郝搖旗謀合山西陝西河南山東諸賊黨作亂全才遣千總朱光祚等密捕之遂獲企晟及其勅書關防印劄以

聞企晟伏誅十月

命總督湖廣軍務十一月以疾卒於官

詔贈兵部尚書

山西通志卷一百三十二 鄉賢錄十七

三

賜祭葬如典禮諡勤毅

劉祚長清源人壬辰進士授湖廣宜城縣知縣縣當水陸衝俗疲民瘠祚長撫綏有法以最行取戶部主事旋監察通州倉務升山東北河道搜剔奸弊風裁肅然歸里日足不履公門獎掖後進造就甚多祀忠孝祠

溫而厲字中之徐溝人弱冠入邑庠順治五年姜逆據大同叛山賊四出劫掠脅至太原晉祠幾不測而厲神色不撓責以大義賊衆服其膽咸曰義士也禮遣歸九年還拔貢生任山東茌平縣丞墾荒田百餘頃以修河功升江南句容知縣時軍務叢集嘗於馬上判事邑人頌爲神君戶祝之卒於官孫世謐字丹臺興縣人工文而勇精騎射順治初以貢司訓臨縣遷垣曲教諭再遷知崇仁縣縣大盜羅漢七聚眾萬餘

力請歸卒年六十有五

山西通志卷一百三十二 鄉賢錄十七

四

前令將勦之謀泄遇害世謐至金縣人胥通盜無可共事者獨與其僕密謀之而陰厚千總孟暨驚提胥吏乃伴爲怙性遣人語漢七日功令不勦盜者軍法從事今縣小無兵吾且降幸將軍至某鎮與吾面計事及期漢七率眾二千駐鎮外偕其黨吳暨校三十人鎮世謐設廣筵宴校廳外迎漢七暨吳於廳而徐呼千總來漢七色變則命千總解刀勸飲飲極歡復移尊於園世謐揮僕曰吾與將軍有密言爾曹不得聞搗漢七手入園猝撲之仆地吳拔刀千總亦自後撲仆之而僕急入縛二賊乃召驚提胥吏授以弓絃曰吾出勸三十人酒汝同後侯吾擲杯彼仰觀汝卽以絃扼其喉如法縛二十五人而迓五人去曰吾無兵怖之可胥走也二千果遵明日率鄉勇擄果則果胥空矣事平撫按議交章薦世謐以老

幾死門人有以奇計救之者得免天下大定始以黃冠白放
稍稍出土穴與客接工篆隸書畫趙秋谷推其書爲

本朝第一顧深自愛惜不輕爲人寫母喪貴官致賻作數行
謝之貴者喜曰此一字千金也吾求之三年矣既絕世事而
家傳故有禁方以善醫聞達於脈理而時參以儒義康熙戊
午

詔舉博學鴻詞給事中李宗孔以其名薦時年七十有四矣
固辭不可乃稱疾有司令役夫舁其牀以行二孫侍將至京
師三十里以死拒不入城於是馮相國溥首過之公卿畢至
山臥牀不具迎送禮魏尚書象樞乃以其老病上聞
詔免試放還

命加中書舍人以寵之及歸相國以下皆出城送山歎曰今
而後其股然無累哉既而口使後世或妄以劉因輩賢我且
死不瞑目矣歸後大吏咸造廬請謁山自和冬夏著一

布衣帽以氈或曰君非舍人乎不應也及卒以朱衣黃冠歛
所著有霜紅龕集行世子眉別有傳

楊義洪洞人明崇禎進士官山東聊城縣知縣

本朝順治元年義歸誠選補河南汝陽縣知縣五年以行取
擢江西道監察御史巡視浙鹽義以兩浙鹽法玩弛疏陳行
鹽掣驗之法請遴選清廉有司照引盤驗御史親臨監掣以
除積弊從之八年容親王身後重得罪義因劾工部侍郎李
迎峻前任營繕郎中時督造王府第雕鏤奇異僭擬
禁廷獻媚邀榮不數年間躋陞華廳請
勅部治罪疏入有

旨下部以迎峻事在赦前例得免議事遂寢是歲復巡視
長蘆鹽政疏劾運使趙秉樞貪酷執法事秉樞削籍逮繫明
年奉

命督學江南尋掌京畿道事十一年大學士陳名夏以罪伏
法發因劾告病在籍侍郎孫承澤往時與名夏同掌銓衡頗
倒是非交相黨附部議令承澤休致時吏部尚書劉正宗特
薦降調員外董國祥才守可用擬銓文選郎中義面詰正宗
專擅卽具疏劾之正宗得

旨察議國祥卒以贓敗謫徙尙陽堡十二年正月奏陳時務
四事一大臣廉恥宜養伏見輔臣呂宮嬰疾日久依違苟合
負曠職愆乞允其早歸田里以勵臣節一督撫巡行宜慎巡
按差既停止則凡閭閻審錄諸事督撫必按期巡行然身遠

節鉞恐隨從過多致滋擾累嗣後止量帶兵丁承舍一十餘
名仍舊關防嚴密禁其搔擾滋事一兵民匱乏宜恤請開各
州縣廩生捐銀准貢之例以所納銀給滿洲兵備鞍馬器用
餘賑被災貧民一無名私派宜停賦役原書起存自有原額
屢蒙

諭旨嚴禁加派乃有司抗不遵行如臣邑洪洞地畝正糧外
又加驛站坐司馬夫工食公費色名幾半正項一邑如此他
邑可知祈

勅督撫嚴行禁革會呂宮已得
旨致仕餘下所司議行是時

詔復御史巡方之職義復奏請弗拘資俸宜甄舉才守兼優
堪勝激揚之責者考試列名請

旨商川四月擢太僕寺少卿七月轉大理寺旋授大理寺卿十一月遷刑部右侍郎明年轉左又明年八月請假省親假滿補工部左侍郎十七年三月轉總督倉場戶部左侍郎七月陞工部尚書康熙元年致仕卒於家

上旨鉉字三立翼城人兄鉉順治己亥進士鑑丙戌進士鉉最少而成進上在前明癸未為最先

國朝順治二年授中書充陝西鄉試副考官五年遷山東道監察御史巡按湖南八年巡按江甯疏請查高淳縣水衝浮糧改征折色以蘇民困請裁蕪湖鈔關保家及委員並巡兵常役以肅商稅江甯滿漢官兵歲需馬草請歲差各郡糧官採辦以省州縣運送之勞江西浙江兩省站銀請統於江浙藩司彙解江南驛傳道以恤驛站賠累之苦又疏言鳳陽府屬荒地宜令有司及時勸墾江甯所屬英武秣陵廣武三衛屯糧山阻道艱宜省運費改征折色諸疏並下部議行母憂歸尋遭父憂服闋補湖廣道監察御史掌河南道先是丁酉科江南鄉試考官方猶錢開宗以取中不公致諸生閱學同考官奉

《山西通志卷二百三十二 鄉賢錄十七 七》

旨革職提問至是鉉復疏參請覆試江南新科舉人以核真偽從之尋會鞠得實考官案誅如律舉人程度淵等發遣有差又以河南邪教蔓延請

敕撫按稽察州縣失察者糾參治罪得旨嚴飭行又疏陳定臺規慎刑名考選臺臣考取巡方四事及計典四款之註事實察委署類皆政要十八年遷順天府府丞康熙三年轉大理寺少卿六年授大常寺卿十年遷宗

人府府丞旋擢左副都御史疏言臣前掌道時管理軍政各省提鎮計七十員數十年來幾至百員總鎮以上體統已尊祿位已極輒不肯實心効力徒糜百萬金錢云云意蓋在平西諸藩也以未能指名糾參節議照係陳不實隱含譏刺例降二級調用補太常寺少卿尋請假歸未幾吳逆變作時以鉉為有先識云家居十年卒

晉淑軾字長眉號積菴洪洞人丙戌進士知中牟縣邑多盜設鳴鑼合擊法開鎗聲捕役鄉保輒視所向掩捕盜胥獲以治行最行取兵科給事中尋轉工科疏請安插流民又請會勘神沙羊山海寇出知大名府時巨寇任鳳亭巢踞四省界議招撫庶不敢往獨攜一役徑抵巢宣布

《山西通志卷二百三十二 鄉賢錄十七 八》

朝廷德意鳳亭感泣解甲聽命雖歸途寇王為指揮所擒請如鳳亭例曰被擒求撫不可解轅門辟之而疏奏鳳亭授副將五臺寇高山聞之亦就撫於晉焉擢順天府府丞遷鴻臚寺卿

特簡通政使司通政使以病請歸里卒年甫四十有九人多借之

上官鑑字金之翼城人順治丙戌進士授潞安府教授河南聘同考拔七人五成進士選國子監助教再遷戶部主事督餉陝西散給軍士不私秒忽美選吏部主事司考功銓政一新尋以郎中出為浙江嘉湖僉事選參議河南督理河道故事河工近出夫遠出料殫慮經畫歲省金錢數萬復兼理通省驛傳鹽法詳請驛站銀在州縣支給協濟州縣悉改解藩司抵州縣支給正項官民便之旋復以薦兼管開歸河三府

分守道事務解組歸無疾卒著一經樓集藏於家

王廷諫翼城人順治丙戌進士官行人司行人考選兵科給事中歷禮戶科出爲陝西榆林兵備道遷山東按察使司按察使請告歸廷諫少工文任行人同考順天鄉試任兵科主考湖廣鄉試稱得人在諫垣持論侃侃嘗具疏請罷

禁中佛塔得

俞旨一時稱盛事焉兵備榆林捐俸買牛種給民開墾又繪圖詳奏撫請墾田胥緩起科攝東路築石堤禦河神木人名王公堤按察山東多所平反歸不問戶外事十餘年卒

張鳳起字羽王翼城人幼孤家貧甚母績紡佐讀甲午舉於鄉乙未成進士授事強知縣時土盜大肆掠掠令各鄉團練互相救援盜不得逞梟兵白鶴年等假盜行劫立杖之死擢

山西通志卷一百三十二 鄉賢錄十七 九

御史值大校南旋沿途索役夫多至七千餘名露章言狀得豁免又疏陳監引利弊土風澆漓皆關時政按部河南約法十二章與官吏相更始差停還京聞母病乞終養起補掌京畿道印協理大計極口言糾參不實有礙計典請嚴行黜革直聲大著或危其太峻諷之曰人當知止獨不計曩貪時耶正色謝之曰貪吾故物豈以一官易初志哉以疾乞假歸卒

祀鄉賢

張元聲字聲希襄陵人順治甲午舉人任密雲縣知縣地近邊鄙婦女不習織紡命僕婦教之時察其勤惰久之機聲四起境內軍民雜處冒旗假逃者甚夥累及無辜元聲嚴鞫審解不畏權勢一時有鐵漢之目及休致家居一以造就後進惠愛閭里爲事卒祀忠義

李宏敏字尊生太平人順治乙未進士授臨川知縣愛才禮士故老時英無不心折時海氛不靖吳越間警報時聞餉徵旁午鄰邑多獲戾而臨川調集從容民不知兵上游嘉焉將薦之性淡於榮利遠辭歸訓子姪族黨甚有禮法鄉俗婚嫁動爭財聘侈牧墮力矯之率以節儉久之陋風遂革著有百祿堂存藁卒祀鄉賢

劉漢卿翼城人順治初以諸生簡知耀州甫蒞任劇賊王永強率黨數千人集城下漢卿督吏民力守間出奇兵擾之賊驚遁尋監郃陽軍招降七十餘寨有和陽寨者民避兵地也部統指爲賊藪將殲之泣勸再三乃止賊掠婦女悉棄去檄解軍前力請歸其夫遷保寧同知秦兵戍川者譁於廣元馳騎入其壘曉以大義治首惡如法事旋定擢肇慶知府尋以

山西通志卷一百三十二 鄉賢錄十七 十

難歸漢卿工書法偕薛鳳鳴張臺等胥工文尤敦儉素嘗曰儉美德也居官可以助廉居家可以佐勤當時以爲名言王巖字惟肖猗氏人明崇禎庚午舉於鄉嘗募文中子爲人不樂仕進以倡明道學爲已任庚辰歲大祲出粟振貸全活無算及逆閹過縣毒痛捐紳嚴蒙難鄉民不期而集者數千人投賊營保之獲免賊又欲授以偽職巖以毒藥敷面詐病乃已己丑土寇陷城令出走寇將屠令家巖遺諫者說其魁釋之既而令挾兵至且屠城巖單騎迎令言猗人無反狀令亦偵知其家無恙遂爲戢兵又說令出軍中子女悉還其家亂定乃出資完葺學宮立觀生書院三河人士請業者趾相錯遊其門者率砥礪名行彬彬儒雅後多爲名臣人以爲有河汾遺範著書甚富從子含真能傳其學並祀鄉賢含真字

思文丙戌副貢舉辛卯鄉試計偕入都遽卒於京邸當世惜之

衛紹芳字復菴猗氏人乙酉丙戌聯傳進士知尉氏縣行取兵部主事累任漳南道僉事撫寧化賊黃素禾永定廖明祈倚險爲亂決水灌之賊宵潰轉川北道參議郝承裔之變總督李國英徵督餉協剿兼程至嘉定三月賊平敘功轉督貴州學政崇雅黜浮以薛文清王文成語錄訓士士貧者捐俸賑之遷浙江巡海道致仕卒子既齊別有傳

郭四維字嶠公猗氏人丁亥進士由績溪知縣擢禮部主事遷河南驛道歷河西道參政補蘇州府知府守廉政惠才識敏練吳人感其德建祠虎邱至今尸祝之

王景震字四知萬泉人由舉人中壬辰明通榜授長安縣令

山西通志卷一百三十二 鄉賢錄十七

耿介沈毅政聲著爲諸生時嘗請免生員故後門差歲荒發粟振貸及之官視於河神誓不苟取一錢長安志稱其絕請託鋤強豪訓俗以仁讓爲本課士以德行爲先云云祀鄉賢

荆之茂字義侯猗氏人壬辰進士授新喻令兵變後民困謀求野多曠土之茂繪圖上請設法墾荒流亡漸集喻民戴之如父母善居鄉里族黨婚葬多所周恤卒祀鄉賢子四次益社靈璧知縣

薛之彬萬泉人性至孝童年喪父哀毀不食者七日家素貧耿介自持不事干謁聚徒講授寒暑忘倦既以甲午拔貢令濟陽招集流亡力除夙弊三載不受一錢致仕歸至不能備騎乘布衣疏食與窮居授徒時無異也年七十五卒祀鄉賢

濟人亦請入名宦祠

馮皋卿永濟人順治乙未進士同知漢中府吳逆之變隨大軍進討至播鼓臺爲賊所獲誘之降授以偽職不屈曰吾爲王臣今被擒惟一死是求餘何言賊不忍殺閉室中復以威劫之則嘆曰頭可斷舌可拔彼睢陽常山豈直古之人哉賊知不可奪囚古寺閱五年不少屈消奮威將軍復漢中大將軍圖陝督哈具疏上聞

命原官錄用皋卿以老投劾歸卒於家

張合璫字荆甫蒲州人幼端凝有文望補潼關衛諸生丁酉中陝西鄉試已亥成進士授建昌府推官檢察案牘夜分不少倦讞鞫以片言折之咸叩頭警服大豪黃某睚眦殺人捕置於獄暮夜餽千金祈少緩不許卒伏辜缺裁改陽春知縣

山西通志卷一百三十二 鄉賢錄十七

縣介萬山爲渠黨嘯聚地請於督府團結義勇親搗其巢穴城守某弁激變兵士洶洶單騎入營招首領諭以禍福置千百言衆始投戈泣下以親歸服除補宜興知縣裁兩月卽以病乞休而士民胥頌之家居十年杜門卻軌里黨推爲祭酒卒後崇祀野江書院

于彌字允調長治人丙戌進士授南安府推官攝豐城瑞金寧都三縣築所至有循聲鞭歸補袁州府推官治行最入爲江西道監察御史巡視西城疏請裁道標以節浮費變藩產以助軍需設海防屯田以安士著胥侃侃中名實補福建道監察御史首疏請開經筵旋掌山東道巡視東城以年例轉廣東嶺西參議道未幾裁缺歸里閉門謝客歷三十餘年以卒肅立朝敢言而抗疏辨濫焚機罷市事夙算遂除邑人賴

之

呂和鐘字大呂長治人幼負奇氣有器識不隨人俯仰領順治八年鄉薦任襄陵教諭旋以乙未登第例當授官乃明崇禎日人非熟讀史書何以經世遂還山居數年授工部主事佔計壇工立議不移抽分龍江奉差荆關屢辦機務區畫盡善商民無擾以考最擢員外郎遷郎中

賜乳茶大緞榮寵有加轉按察司僉事督學陝西京有要津類多掣肘和鐘以冷面禦之一無瞻顧秦人素悍遇考試有劫生刁習力為懲治乃息與安路險士子就試往往飢寒斃途中或飽狼虎和鐘憐之躬赴其地就試婦孺皆梯屋而觀以得識面為幸其深仁厚澤秦人至今猶樂道之

傳作樞孝義人明崇禎進士除慶都令抵任未二十日值閭

山西通志卷一百三十二 鄉賢錄十七

十三

賊之變將以死殉其子泣以大父母年高強之歸里侍養二十載以孝聞

國朝順治六年邑人張永錫父子作亂迫脅不從逃竄西鄉山中賊平大將軍手諭招之禮遇甚厚欲大用作悍以老疾固辭入城見戶橫道中悉為掩埋收養逃亡男婦百餘口還遣歸家不受一錢謝終身以讀書飲酒為樂著銘心集二十卷行於世

趙永祚汾陽人丙戌進士授雷州府推官性剛決執法不阿雷民時多匿山谷隸邑庠諸生裁百人永祚得通文義者二百人附於學親為督課雷人始知讀書益王翰肆焚掠與同知周燦詣其巢開誠撫諭翰投戈補慶陽府推官亦以清敏著卒後囊橐蕭然人稱廉吏

師佐字靖公永甯人壬辰進士知福甯州招流亡嚴差役為文以驅虎患民立祠祀之遷蘇州府督糧同知釐清蠹卻漕規與糧戶約曰爾曹省一釐旁費則完一釐正供民恪遵之三督漕運解餉江廣疏濬吳淞勘荒履畝胥彈厥職督撫兩疏薦會病卒蘇人痛悼焉

于成龍字北溟永甯人順治十三年以副貢知羅城縣羅城煙瘴地官廨在叢箐間插棘為門虎白晝行庭中乃累土為几案旁置爨釜一盂一召吏民從容問疾苦皆感其至誠益樂就爭輸田賦初鄉徭歲率三四至殺掠人畜成龍嚴保伍勒鄉兵將搗其巢徭懼自投不敢復犯界數遣于女問安每春時命兩徭舁竹簍行田野中見力耕者輒呼與語相勞苦民率婦子羅拜或坐樹下與飲食笑語歡如家人獎勵扶惰

山西通志卷一百三十二 鄉賢錄十七

十四

民大勸在羅城七年招流亡修學校增陞陞陞定昏喪之制以卓異遷知合州羅人遮道呼號追送數百里一眇者獨不去問故曰民習星卜度公聚中裝不能及千里民技猶可資以行也竟賴其力達合州州領縣三遺黎才數百人正賦十五兩而供役繁重府帖下取魚成龍曰民窮極矣安所得魚卒不與且極陳民困狀盡裁革之一僕一羸馬自隨賃牛種招集流亡旬月間得戶千計再遷黃州同知駐岐亭地多幽壑漢湖為盜窟成龍捕得九人大集諸父老曰能保後不為盜者賞之保二人其七人即諸父老前取大索駢繫悉阮之眾股栗又獲巨盜彭百鈴貫其罪令捕盜自贖無脫者巡撫張朝珍器之舉卓異吳三桂反檄攝武昌府事問禦亂策成龍言安人心莫先下令停徵張已草奏意與合遂盡以兵

事屬之時大軍雲集供億皆叱咄辦惡少憑禁旅為姦立置之法白大將軍申軍令甲士擁之譁不為動徐敘去謀指武昌大姓通賊以藏兵器為徵成龍言巨室多避兵梁子湖藏械備他盜無足怪跡之果無他遷知建甯府奏改武昌大兵征岳州檄造浮橋於蒲圻賊驟至成龍入城守橋以山水暴漲祀聖廟職會東山寇作張命討賊請得便宜從事許之間需兵幾何曰前守蒲圻數人足矣先是大冶賊黃金龍亡匿劉君子家君子素黠猶收召亡命亦間為官吏擒盜賊嘗隸敗亭役至是得三桂偽劄與金龍潛結周鐵爪等期七日起事事泄君子恐遂以五月反於曹家河官兵為所敗成龍行次陽邏偵知君子雖反眾未合遂直趨賊寨未至十里止宿榜示脅從者許自首免罪過三日以從逆論投首口千人賊

《山西通志卷一百三十二 鄉賢錄十七 十五

勢孤欲即降懼誅成龍遣一人持檄往諭而自騎一羸一人張蓋二人鳴鉦前導命行呼太守來救爾山中人君子匿後山夾道伏槍弩數百因疾驅抵賊舍坐聽事賊眾環列問老奴安在君子舊隸麾下故呼以暱易之又問山中雨水禾稼若何若良民何為作賊取屠戮時方酷熱若父母妻子匿何所得母苦耶賊皆羅拜泣公曰熱甚須少憩遂熟睡鼾聲如雷移時賊又謾罵君子老奴何為久不至客至乃不設酒脯君子初懼見給及是出叩頭受撫即日降其眾數千問金龍安在曰在望花山即令導行掩其不備擒斬之捷聞八月復職調黃州甫抵任湖北大亂何士榮反永甯縣陳鼎業反陽邏周鐵爪鮑世庸反白水劉啓業反石陂各擁眾數千號十萬逼趨黃州時援軍皆在湖南黃州吏民才數百至不能

備聞析或議退保麻城成龍曰黃州七郡咽喉也棄之則荆岳瓦解矣吾誓死不去然坐守亦非策當勦之賊雖眾皆取士榮進止先破士榮餘可不降下遂集鄉兵得二千人別遣黃岡知縣李繼政擒鼎業士榮已據黃土塆遣把總羅登雲武舉張尚聖迎擊前鋒戰少卻成龍疾馳抵向聖營日午鄉兵大集有眾五千屯箔金寨與賊對壘詰旦士榮率賊數萬分東西路來攻東路賊少登雲領千人禦之而自率千總李茂昇當其西向聖攻右把總吳之蘭攻左戰始合之蘭中礮死賊闖益急火燎及鬚或勸少避叱之曰今吾死日也敢言退者斬遂鞭馬直前回顧茂昇曰我死可歸報張公茂昇急發矢殲其大旗軍隨進茂昇馬被槍棄馬射殺二人易馬進戰復手刃數人而向聖自右山繞出賊後夾擊賊大敗斬賊

《山西通志卷一百三十二 鄉賢錄十七 十六

數千士榮左臂斷就擒登雲擊東路亦追奔數十里得賊名籍立焚之乘勝至呂王城眾欲少憩成龍曰破竹之勢不可失也方炊覆釜以進據鞍草檄諭有能擒賊獻者重賞投誠者待以不死脅從歸者但閉門坐家無軍器即從賊概不追問藏兵仗者即良民亦誅死於是賊眾聞士榮擒名籍已燬各解散至白水阪鐵爪世榮等欲趨保石子寨已遣人守隘不得上悉擒之又分眾平石陂賊即勒石岐亭班師自誓師至此二十有四日以鄉民數千破賊數萬不費公家絲粟黃州平時康熙十有三年十一月也次年秋大饑發廩賑卹全活數萬人十五年水旱災詔言復起成龍故示暇豫修赤壁亭謝日與寮吏獻詠飲射其間民皆曰我公如此復何憂會丁繼母艱士民乞留者數萬有

詔奪情視事十六年總督蔡毓榮等奏復設江防道就任之明年遷福建按察使民遮送至九江凡數萬人哭聲與江湖相亂十八年春抵閩時耿精忠亂後康親王駐軍省會閩民多以通海獲罪力白王言諸案所牽引多平民宜省釋覆錄時大吏有難色因指庭前婦孺曰此曹豈能反皇天在上獨不為方寸地也王久聞其名至是益重之悉從其請巡撫吳興祚薦廉能第一遷布政使禁軍月徵莖夫數萬爭於王前罷之滿兵掠浙東子女役為奴者數萬贖歸之各屬納賦皆應時收不增錄黍署中新米不給至無衣可典日或不再食隨征滿漢大臣朝使者有時來過徑入臥內或繞署周行几案間蛛絲鼠跡文卷書冊外無長物咸歎曰于公清苦天下人而已外番貢舶有所獻悉屏之或呈樣香一嗅即持去

山西通志卷一百三十二 鄉賢錄十七

貢使齎指作禮曰

天朝有此清官吾儕所未聞見也十九年遷直隸巡撫疏請豁免宣府所屬東西二城及懷安蔚州二衛水衝沙壓荒糧三千餘石銀千餘兩從之又因災疏請緩征並平糴

詔即以平糴之米作賑會早步禱兩立沛禾黍重岐三穗民號曰于公穗尋劾青縣令趙履謙貪黷狀按治如律二十年

春

陞見

賜坐

賜茶

面諭曰爾為今時清官第一朕所深知因問勦撫黃州土賊時事又問屬吏中亦有清廉者否公以知縣謝錫衮同知何

如玉羅京對

上曰爾所劾趙履謙甚當公奏履謙過而不改臣不得已劾之上曰為政當知大體小聽小察不足為且人貴始終一節其勉旃旋

賜食

御書房又

賜帑金千良馬一馬

上所乘也越數日

御製詩手書賜之尋遣官助賑宣府各屬饑

詔蠲免本年額征及積年帶征秋請緩真定府屬房稅銀又

請破格全蠲霸州本年田賦均報可冬乞假歸葬

優詔許之未幾調兩江總督瀕行舉直隸守道董秉忠通州

山西通志卷一百三十二 鄉賢錄十七

知州于成龍南路通判陳大棟柏鄉知縣邵嗣堯阜城知縣王變高陽知縣孫宏業霸州州判衛濟賢並堪大用得

旨俞行抵江南官吏皆望風改操知成龍好微行遇白鬚條

貌者羣相指目懾敬郡縣條上便宜皆為興舉會江甯知府

關

詔即以通州牧于成龍擢補成龍漢軍人由蔭生起家後官

河道總督諡襄勤者也南中風俗侈麗至是人爭衣布褐布

價驟騰士民有歡笑無管弦游惰不空手櫪坊無鎖自治官

書夜中旦不寐性喜飲至是累月不一醉嘗中夜苦飢索少

米作糜不得笑而止時苞苴盡絕午日遣視察吏無敢以角

黍相遺者建虹橋書院擇高才生講習其中親往訓課副都

御史馬世濟還自汀南劾其年衰為中軍田萬侯所欺蔽部

議奪萬候職成龍休致

持詔留任二十三年春巡海兼攝江蘇安徽兩巡撫事四月十八日疾作召屬吏與訣端坐逝至夜漏盡坐不歛顏色如生年六十有八自服官後未嘗攜家屬入署及是將軍都統暨寮吏入其寢室見周身布袍一襲帶各一堂後巨甕米數斛鹽豉數盎而已計聞

賜祭葬

予諡清端七月學士錫住勘海疆還

上詢及在官時聲績錫住奏其清廉但因輕信或為屬僚欺罔上曰此與成龍不合者造為此言耳居官如成龍者有幾十一月

南巡至江南

山西通志卷二百三十二 鄉賢列十七 十九

論知府于成龍曰爾務法前總督于成龍正直潔清乃為不負又

論閣臣曰原任總督于成龍朕博採輿評咸稱為古今第一廉吏可加贈太子太保蔭一子入監會

御試詞臣作理學真偽論納卷時

上特諭曰理學無取空言如于成龍不言理學而服官至廉斯即理學之真者也卒後軍民爭繪像祀江南蘇州及黃州皆有祠

御書高行清粹四字為祠額并書楹聯賜之成龍軀幹修偉紅顏隆美髭髯精神炯炯四映與人交不擇貴賤談燕終日一語涉私即正色斥詰每曰上帝臨汝又曰日監在茲屬吏畏威若負霜雪及論事輒霽顏商惟用此雖嚴憚愈益親

樂之年儼眉稷維米為粥與僮僕共之屬吏至亦以是進曰如法行之可得留餘以賑也性強毅而臨事靡髮無方用兵如神尤善治盜所用游徼及降盜恒撫以恩威輒先來報知武昌時嘗弁某弟素無賴適歸是夜餽被劫弁告弟所為已誣服獄具破械縱之巡撫驚問曰盜寃真盜何在即指堂下一校曰是真盜也餘黨進香木蘭山今晚獲矣尋獲盜賊尙在校家封識宛然江甯盜號魚亮者拳捷倚駐防都統為解有司莫能擒成龍抵任官吏遣迎日吁不至方驚疑間則已單車入府矣羣吏飾廚傳饋餽率皆不受按察使某年家子也請具一餐為雅壽笑曰以他物壽我不如以魚亮壽我按察使喻意出乃以千金購名捕縛置獄是夕成龍秉燭坐一男子持匕首自屋梁下叱何人曰魚亮也即解冠几上指其頭曰取亮長跪笑曰取公頭不待公命也方下梁時如有物擊我手不得舉乃知公神人某惡貫盈矣自反接衛匕首以獻成龍曰國法有市曹在邊所獄吏報失盜人情洵洵而已命中軍將魚亮斬決西市孫準別有傳

山西通志卷二百三十二 鄉賢列十七 三十

張璠字伯珩陽城人幼聰敏十五歲為弟子員十九登壬午鄉試聯捷癸未進士授原武知縣邑初隸版圖數值兵燹招撫流亡墾荒緩征嚴保甲興學校戢盜安民加意緩輯申開河口裁汰冗役其年同考得十二人後成進士者八屢經薦剡以卓異徵為御史百姓遮道擁留立碑建祠已丑按四川時版圖所止保順二府鼓勵將士漸次開闢論更以露已愛民勅將以東兵守律請撥牛種五萬散給兵民本年奏報接應軍需外貯粟六千八百有奇辛卯再巡淮鹽革積弊嚴

絕請謁夾帶私販皆親行盤查抽掣引鹽計十三萬又完正課帶徵通額益二十三萬臺省交薦晉大理寺丞轉順天府丞歷大理寺卿工部右侍郎巡撫陝西秦當破傷災疹之餘又值軍興煩費之日綜理緩急悉合機宜表率文武正直廉明秦人戴之如父母辛丑調福建督糧道去之日百姓輒輟郊原頂香揮淚祖帳壺漿幾百里祀名宦抵閩通商買禁侵漁塞漏卮革羨耗蓄儲饒裕拮据二載以積勞卒於官年四十有二康熙六年提學道博采輿論追崇名宦歲享祭祀毛一豸字香林鳳臺人順治丙戌進士性廉潔能耐艱苦官戶曹監淮安倉有羨額隨空運通州收軍草數百萬束輒藉草以居

世祖東巡

山西通志卷一百三十二 鄉賢錄十七

三

賜裘帽以榮之尋以京察上考遷郎中督餉固原官鑑至輒給軍士不少利秒忽有

旨毛一豸清官第一加三級並

賜額以旌遷興安參議道佐平李來亨功最會州有火患泣下成疾卒卒之日至無以爲歛

李棠馥字子葵高平人丙戌進士授刑部河南司主事歷四川司員外郎遷郎中精研律意而本以寬恕尙書党公廩稱之已丑

詔郎署著聲望者考授直省督學道得湖南參議先是爲員外時同考戊子順天鄉試所拔多名宿及抵楚能以經術佐風藻楚士翕然庚寅艱歸服除補湖廣荆西道時西山遺孽未靖

禁旅經過議雜處民間力持不可往復爭論卒令營於郊外遷陝西驛鹽道副使驛故難支大兵進取三山驛邑協錫又不以時至疏請如協額數從本邑解項兌支而以他邑協者解司庫諸驛復蘇丙申還督糧道左參政尋遷四川按察使在蜀一年超遷兵部右侍郎

世祖召見慰問之奏封詳覈庚子甄別卿貳得

旨褒論才品與職任相宜踰年以疾請告歸丁未奉例入京補戶部右侍郎總督倉場復改兵部右侍郎未幾具疏自陳以年老致仕既歸徜徉菜谷中展閱經史甲寅輸家糧一千石上佐軍餉比卒手書屬子猶以未報國恩爲恨云

田六善字兼三陽城人少孤苦讀書不少輟乙酉丙戌聯脩進士知太康縣以治行入爲戶部廣東司主事惟臨清關監鳳陽倉兼臨淮關罷濫征革奇羨悉員外郎廣東司郎中選授江南道監察御史疏請弛馬禁獲

山西通志卷一百三十二 鄉賢錄十七

三

允又請勸清吏以養百姓勸督撫以養清吏尋掌江南道巡視長蘆釐政康熙元年假歸甲辰補貴州道歷掌陝西廣東道疏稱吏部條例日繁曰吏部用人行政有偶出意見實係過誤者奉

旨皆循爲例是意見可以再行過誤可以再舉也例既無所不有弊故無不可爲意欲如此卽有此例意欲如彼卽有彼例請除請

旨欽定條陳準行外餘不得槩引爲例上甚是之又有再選裁兵暨留任之弊督撫止參奏老微官

諸疏付詳議爲多巡視京通二倉勾稽精覈還掌山東道內升歸曰讀歷代史會

詔內升者仍補科道遂以正四品服俸管刑科給事中事疏陳滿洲皆勞苦功高之人請除反叛外一准於律無得株連又陳急停報盜之令總計緝盜之功而

聖學宜先讀史疏曰祈

諭日講諸臣通鑑與經書並進仍令不許忌諱其言尤偉尋掌戶科印補光祿寺少卿遷通政司右參議甲寅擢都察院左僉都御史值滇閩倡亂時條上勸討大計而置重兵建昌衛州扼固原糧道嚴山西河汎鼓勵綠旗官兵敘給爵賞諸疏尤中機宜胥得

旨允行又請嚴禁首告叛犯楊起隆之誣累遷順天府府尹

山西通志卷一百三十二 鄉賢錄十七 三

會發帑銀買米京城米騰踊抗章請罷民德之又擢左副都御史尋擢工部左侍郎應

詔陳言曰推布政仍宜於按察中揆次求之推按察仍宜於參政中揆次求之而知縣捐納先用卽用是明以困窮之民爲償債之地也又請復差巡按曰道府州縣規禮非遣巡方終不能革祈出其不意以示不測戊午調戶部右侍郎督理錢法奉使閱視河工還

慰勞有加旋轉左侍郎以老請致仕歸後十年卒六善嘗贊魏敏果臺綱舉于清端撫保定著鷗棲慢坡集拾瑤錄子淮舉人刑部主事

張爾素字賁園陽城人丙戌進士選庶吉士補祕書院編修已丑同考所得皆名流擢左春坊左諭德出爲江南參政廉

潔自矢纖塵不染士民立碑頌之遷陝西按察使乙未升湖廣右布政使時大兵征黔滇協理糧餉籌畫周詳公餘立書院羅三楚名士談經課藝士風丕變丙申復入爲通政司使尋升刑部右侍郎父病請歸養丁外艱服闋起原職尋丁內艱丙申擢本部左侍郎會求直言引禮經大法小廉之義疏論十三省巡撫爲天下傳誦辛亥引年乞歸以原官致仕年六十三無府卒

勅賜祭葬

梁肯堂字掖呂澤州人丙戌進士任山東掖縣知縣明敏有爲人不取以私干剖判刑獄片語立決邑多逋賦催科有法不爲厲民整飭學校風化大行一時科第蔚起民歌詠之以誌德政張中丞忻爲作序沒後崇祀鄉賢

山西通志卷一百三十二 鄉賢錄十七 三

王紀字子魯沁水人辛卯壬辰聯捷進士選翰林院庶吉士授禮科給事中議論侃侃不避權勢出爲分守陝西隴右道參議以卓異

賜蟒衣一襲遷江南蘇松兵備副使一年遷分守山東濟南道參政在江南設伏平湖寇唐四之亂完納覆嘉定通負之罪山東辨紳士扳扯之冤人皆尸祝之乞終養歸尋以薦軍前任用卒年五十有二

田逢吉字凝只高平人乙未進士選翰林院庶吉士授編修累官內國史院學士終浙江巡撫逢吉年五歲父馭遠爲盜賊所執以刃脅之號泣父旁若請代狀賊感動得無害在翰林戊戌分校庚戌主試所拔取士如孝感安溪遂甯太倉崑山卽墨武進衛氏平湖諸公後胥爲當世名臣任學士日或